



國家清史編纂委員會・文獻叢刊

清代詩文集彙編



國家清史編纂委員會・文獻叢刊

# 清代詩文集彙編

《清代詩文集彙編》編纂委員會 編

上海古籍出版社

# 清代詩文集彙編 二六一

香樹齋詩集十八卷香樹齋詩續集三十六卷香樹齋文集二十八卷香樹齋文集

續鈔五卷（香樹齋詩集十八卷香樹齋詩續集三十六卷） 錢陳羣 撰

序

江左詩人予爲作序者甚夥而拙集所存則以人之未足重一則以詩之無可傳也或詰予曰雲卿延清之屬其人何若其詩曷嘗不傳王籍入若耶溪片什亦傳崔信明楓落吳江冷單句亦傳何必斤斤去取爲予應之曰人有功德者何必立言如以言其可傳者亦多何必韻語若詩可而人否世自有傳之者何必予爲之揚波惟人與詩兩可則子序固將藉之流傳耳同年友錢君主敬其人不凡卽予同譜中亦屬傑出其詩不朽在吾

香樹齋詩集

序

黨同學中未見有先之者也君以甲午舉順天至辛丑偕子成進士入史館應制鴻文一時莫與抗手非獨以韻語擅場也君嘗自言我詩五言第一諸體次之契濶者十餘年益信斯言之不妄也已先聖經解云溫柔敦厚詩教也嘗持此說以觀唐賢詩尚不可多得何況宋元以下今乃得之於君蓋作者自有其根柢觀者亦別具有賞識焉當其弱冠里居孝親友弟睦嫺族戚所謂仁義之人其言藹如者也及乎壯歲登朝忠於君信於友志在行道濟時兼利民物則猶少陵之許身稷契而昌

黎之洞視萬古愍惜當時者也且夫情隨境遷賢者不免以杜詩之雄壯不能不悲歌于同谷以韓詩之奇闢亦且感歎夫藍關君由講官倖直內廷遭逢盛際喜起賡歌詩之中正和平固其所也乃至奉使邊徼戎馬倥傯雪山瀚海之區嚴寒墮指懸釜絕炊極羈旅之坎坷而發爲詩歌從無悲涼激楚之音非由德性堅定有不爲外境所搖奪者歟乙卯丙辰之交視學畿輔不徒甄拔孤寒大正文風廣勵士行兼舉鴻博之材以應制科贊助

香樹齋詩集

序

二

聖朝菁莪雅化宜乎海內傾心不啻瞻泰山而仰北斗矣迨讀禮言旋鶴阡手築以祥琴之餘暇自定香樹齋詩集若干卷將付剞工俾子作序予言不足重君詩而君詩適足傳子序爰揭溫柔敦厚之微旨以爲溯源洙泗自可兼括兩漢三唐而樹詩林之標準若夫立格之高取材之博用意之雋永選辭之雅潔他人所挾以自豪者就君詩視之不過一鱗片甲而非神龍所護之珠子固未敢舉以贊誦矣乾隆戊午夏六月當湖年弟陸奎勳序



序

少司寇柘南錢先生以所著香樹齋詩初集若干卷授制劄由敦奉教日久嘗屬爲之序刻垂成趣序益亟爲歷數先世遺集序之皆當代名人由敦益惶恐謝而先生敦索不已當康熙丁酉山敦初至京師先生以五經名孝廉噪都下議論騁舉奕奕如神仙中人雍正甲辰由敦選庶吉士先生已前三年入館從修後進禮迫僦居比舍時時過從益密後同官春坊同侍起居注由敦荷

香樹齋詩集

序

今皇帝簡直內廷先生亦已先入直至今十餘年晨夕同出入又同事秋官大寒暑間得叩涉端緒先生早歲稱詩時海內二三鉅公以唐音宋調樹壇坫赤幟先生天才踔厲杼軸不名一家顧選言命章往往凌轅三謝江鮑吐屬名雋風力道上無一語蹈時蹊中年遭逢盛遇敷歷中外持節所至若宣諭陝右度關隴絕並塞荒微衡校湖沅視學畿輔再典江右鄉試公餘游覽紀行抒懷贈答篇什益富汪洋渾浩不可端倪如宿將御百萬師衡軸烏蛇奇正莫測不事古兵法而神明自合

香樹齋詩集

序

又如長江波濤喬嶽雲雨起伏變滅觀者目炫神悚每直廬輻集公私題詠多出譚笑之餘屬草未竟輒爭就攫觀造語必創獲出意表禁中曲讌給筆札聯句人占名不過二三韻由敦嘗並案見先生伸紙預拈強韻排警句比散未出者率數倍今春扈從南巡迴蹕登山奉命偕節相高公詳定試卷夜半竣事由敦急索舟渡江而先生赴高公約卽事用東坡潭字韻成長篇詰朝書素卷見示居恒酬應全集縑楮充几榻中夜黶燭呵凍雨汗不自己而其他嗜好亦未能悉屏先生處之沛然嘗自詫連數夕達旦未嘗有倦意論者亦以是推先生天才而先生殊異絕人顧不在此比定詩集及門士或效忠爲爭友刪削至十二三不止先生竟割愛從之其通懷下善又如此間竊論先生於詩興會佳師法古性情摯效之者盡力奔逐不能得一二竄情如由敦日以先生自箴砥迄如騫足之追天驥用敘述平生所企慕弗逮者弁之庶讀者有以得先生之真時乾隆十有六年八月旣望同館後學汪由敦序

序

柘南先生既刻香樹齋詩集成寄一編脉予予方以校試事出錢唐至金華舟中讀之凡三日既竟復讀不自休乃掩卷而歎曰予追隨先生於直次且十年見先生酬應百忙嗜古成癖苦吟不休而不知先生根柢深厚含孕百家若此其至也其取材之浩博如觀滄海入珠宮珍貝陸離爛然奪目其使筆之沉著如巨靈擘山獅子搏象神斤妙運動以全力其摹寫景物則山水煙雲花鳥變態盡入鈎陶而無雕鏤之迹謂是學韓蘇而得其神髓

香樹齋詩集

序

者至于緣情綺靡似竹枝一唱三歎似樂府則又尋流溯源直追騷雅之遺矣緬惟先生遭際聖朝歷踐卿貳出則掌文衡視學京畿奉使於楚于陝于江右足迹幾半天下入則珥筆

祭廷翔步花磚每有賡和輒蒙睿賞扈從塞外山左江南之作意愜語警尤以險韻見長非有倍萬人之才者能之乎況乎天性過人明發有懷情見乎詞其他懷弟訓子憶友之什意思深長綽有風人之致焉嗚呼觀止矣昔杜子美言詩語不驚人死不休韓退之言詩橫空盤硬

語妥帖力排莽而自傳期于老嫗都解張子厚云

致心平易始知詩陸務觀云詩到無人愛處工諸賢持論若枘鑿不相入而摠歸于兩是今之詩家患在空疎淺薄皆由嚴儀卿詩有別才匪關學一語啟之天下豈有學力未克而可與言詩者哉先生于學博綜瀏覽上自漢魏盛唐下至宋元明諸大家靡不出入其間所以掉鞅詞壇迥超凡近也歟豐自幼學為詩竊喜踐迹春明得步先生之後塵邇者再攬星輶過長水之區訪由拳之蹟

香樹齋詩集

序

本朝文苑若朱竹垞彭美門高江村曹倦圃諸公皆著作斐然而竹垞為寡今先生輝映後先堪與之伯仲無疑也 豐又何能已于序言歟長洲館侍彭啟豐拜撰



香樹齋詩集目錄

卷一

古今體詩七十首

卷二

古今體詩九十一首

卷三

古今體詩六十九首

卷四

古今體詩七十三首

卷五

古今體詩七十首

卷六

古今體詩七十六首

卷七

古今體詩七十三首

卷八

古今體詩一百六首

卷九

古今體詩一百八首

卷十



古今體詩一百十首

卷十一

古今體詩一百二首

卷十二

古今體詩八十九首

卷十三

古今體詩九十首

卷十四

古今體詩九十三首

卷十五

古今體詩七十六首

卷十六

古今體詩七十四首

卷十七

古今體詩七十二首

卷十八

古今體詩六十二首

卷十九

古今體詩六十二首

卷二十

男汝誠  
汝恭校字

香樹齋詩集卷一

嘉興錢陳羣集

感遇十二首用張曲江韻

織綺御當夏浣風弄明潔林鳥相鳴飛坐令失佳  
節名花如美人無言自怡悅感茲遲暮心未忍輕  
一折

日景靜虛晝草木含孤清顧吾亦何得獨坐終移  
情飛沉理所適造化乘至精誰能見此意吾亦感  
吾誠

香樹齋詩集卷一

一庚午補刻

弱水不可楫扶桑高無枝獨立窮縹緲遐想終何  
爲人生多勝慮所卽常如斯分安力可赴莫若吾  
自知豈學亡羊者終身悲路歧

曩者窮幽遐曾與畸人見誰知隔形骸終此異鄉  
縣安得毛羽生相從非空羨舉手謝流輩幸勿驚  
怪變

春條無寒榮東海豈西流人生各有與安能外朋  
儔眾知非所尙幽秉慕前修努力在中道此意何  
悠悠

高雲有時出好鳥復辭林而我獨何爲空懷雲鳥

心江魚亦何肥江水亦何深中流失短楫浩淼不  
可尋坐令端居士日暮感寸陰

林月上清暉虛堂聞歎息美人守空簾春風移顏  
色何如九疑仙雲煙垂兩翼往來一氣中誰與爲  
服食

觀居卧滄海夕川氣溶溶遠意不可極神物實所  
鍾微珍表草木積靈發蛟龍寂寞會元化仰俛感  
心胸安得飯牛人一笑聊相從

張樂御雜縣三日不一顧偶然違舊林會雲隔海  
樹雖無繪弋加而此實所懼萬物皆有托豈能易

香樹齋詩集卷一

二庚午補刻

好惡畢志無歧趨於焉終吾慕

佳人在南國內美復信修思之日將夕延佇何悠  
悠雙魚隨波去但見空煙浮羣動各有適而我獨  
淹留

雙鳥辭故林欲歸歸未得弋者傷其雌孤雄垂兩  
翼美人不可見芳樹成相憶勉強受春風繁花少  
顏色况此離憂人對之情何極悠然罷琴書寂寞  
聞太息

高樓吹玉簫動我故園思秋風厲眾草華露發芳  
蕤物候易爲感榮悴何足悲平生獨往意欲語更

共誰少壯成虛擲駕騶其焉追徵音一相契如與  
夙昔期期君不可致幽夢何遲遲惟餘千里月夜  
夜照簾帷

春日言懷

古縣華亭外橫山邏水邊舊宮仍一畝拙計復經  
年潑甕鷺兒酒緣溪燕尾船村墟猶宛在隣舍已  
蕭然但覺艱難慣時驚歲序遷心情娛草木問訊  
有詩篇翠竹依垣直黃柑隱葉圓薄寒分繭日小  
暖采茶天風俗惟知儉陰晴亦偶偏蛇迴盤遠徑  
虹勢起平川農具家家足天燈夜夜懸風狂飛柳

香樹齋詩集

卷一

三

絮月白簾榆錢飄泊多如此浮沉太可憐畦分如  
布局溝響似鳴泉臆紙蜂能破簾花燕欲穿灌園  
童僕課餉槥野人肩僧熟呼爲友官閑笑備員耕  
耘勞任力藜藿飽隨緣此意誰憐惜吾行自穩便  
一從違夙昔有夢入雲煙照耀金鋪側依稀玉犬  
前俄聞升月窟但見引羣仙麟脯調初錫霓裳曲  
盡傳無由叫閭闔獨立淚潺湲醉污將軍席狂驚  
公子筵清詞回律呂霜筆奪鷹鷂罪過如聞譴虛  
空冀少悛檢身惟悔悟歛鍔在戈鋌大道原歸一  
初基豈達權外形終自得碍物便拘攣始覺謙能

香樹齋詩集

卷一

四

益因知忿可蠲扣盤同捫籥夢泣且從吹不歷人  
情幻誰叅物理全寸心良有以至論不須宣莊叟  
論齊物揚雲擬草玄欲浮汝墳宅未買洛陽田風  
物三津合波濤少海連飴鹽霜路白鮭菜網餘鮮  
詞客曾携屐佳人或扣舷遺聲飄絳雪流韻灑華  
箋豪素情逾愜歡娛興屢牽豈惟遣岑寂直欲慰  
迤邐况有隱淪輩都將城府捐有時言燕燕或感  
涕漣漣得意論揚摧如龜合澗灑門多新漲水地  
有未開阡春菜常盈把春犁試一鞭吟風聆細細  
弄月愛娟娟晚浴城壕馬晴喧池柳蟬逕荒猶種  
菊衣薄未裝綿供客無兼味傳家有舊醴依人供  
祿米讓婦賣花鈿愁跡經三載栖心托數椽碧深  
春岸草紅圻野塘蓮激楚工垂手偃師戲弄拳爲  
矜五侯鱸多賤廣文鱸翠袖移蘭楫蠻靴躍錦韉  
去時塵滾滾別後水涓涓賣解孤城外招巫古廟  
墻意錢肩擔博鷹架臂鞢纏此地承平久由來風  
物妍迹因迷去住腸每覺迴旋分已辭霄漢仙猶  
美倥傯有心竄秘景無術問高寒嘲笑憐桃核飛  
騰謝木鳶守雌違衆尚祛妄懺前愆妙道寧能喻  
靈根不受鑄是流終脉脉爲草必芊芊自亮操能



固何愁質尚孱豈堪拋玉尺徒手學衡詮

玉紅草堂秋花

叢桂已飄雪逕菊猶自秘爽氣發階除秋花韞深  
媚姊嬾呈芳姿京風吹碎荔移栽寒玉薨稍稍得  
位置或奪刑猩唇或亂鸚鵡翠舞若雙鳳翹墜若  
明璫珥分如并剪裁冰薄綴蟬翅萃如織罽成燦  
爛初出笥艷若嫁姬姜臨妝展雲帔淡若西施愁  
含顰感顚頤悠然轉側間比並窮擬擬主人情更  
深對此心已醉在御歡晨夕奇寵埒近嬖蝶輕晚  
更多蜂繁暖偏致蟋蟀鳴前墀空庭喜無事幽獨

香樹齋詩集

卷一

五

誰與諧孤清一况示詩成花不語默然會此意

題丁南村置身邱壑圖

丁子讀書淡塵慮居然庚桑巢良壘尋常邱壑不  
挂眼欲與巨靈攫勝概空山瀕洞落寒碧幽澗無  
人聞警欬懸崖綠草迴春姿風生元宮送曉曉回  
看人境厭喧卑放聲長嘯隘大塊吁嗟羣嬉多攘  
攘爭都陽明如引隊終古重溟蹇嵯峨間狐跳鬼啼  
白日晦爾今獨往恣冥搜王喬應真契幽昧索我  
題詩酌我酒我能爲爾發清裁詩成願語圖中人  
此志慎勿中道廢雷奔電掣日輪疾人生壯盛不

可再我亦行將挾金策朝餐清風夕沆瀣

別席

文酒傾心憶昔時狂來楊孔只呼兒同車紫陌曾  
分果拂袖紅箋共賦詩息羽倦飛遲北溟勝遊往  
跡數南皮元瑜公幹才都盡那得陳思不淚垂

秋日過龍山人草堂用東坡過雲龍山人韻  
乘興訪小隱及茲秋容好不見幽人迎恍如詣安  
道是時天氣清陳市盛梨棗開門白日長但聞閒  
禽噪地僻無人過荒徑不曾掃要知靜者心卜築  
多草草花頭雨後繁籬脚風前倒苦學斷尾鷄庶

香樹齋詩集

卷一

六

幾天可保修詞源不窮浴德身自澡一卷玉紅詩  
菟裘欲終老晴陰問漁樵家常話村媼魚眼茶鑪  
沸鳴頭清厨茗引睡一牀書古人見懷抱余亦山  
中人濯纓苦不早新涼動襟袖坐揖霜月皓此際  
無賞音微吟自慰勞

讀司馬長卿傳

束髮拜常侍十年不得遷孝景薄詞賦藩室方下  
賢何况鄒枚侶遊說多資援一朝因病免去志良  
已堅同舍有諸子高館列華筵撰述陳奧旨疑義  
得所詮賦成欲投筆千載重瑤篇

賢王風已逝遊宦久不遂一官既落拓欲處不擇地厚祿有故人委曲聊况示過從舍都亭禮數亦頗備餉口雖細故重爲邑宰累豪富伺當塗程卓時倒屣恭敬信云謬王吉誠解事

高醑盡傾座賢令肅趨蹌辭謝復前奏爲鼓一再行佳人托知音黠焉感中傷近前羞對面起徒歛羅裳車騎旣閑雅况此盛文章賤妾悲離鸞上客羈孤鳳願言結孳尾飛去南山陽

才子方倦遊多不事規矩彼美結同心玩世托慢侮耻從昆弟貸甘與傭保伍春風飄滿旗柳暗迷

香樹齋詩集

卷一

七

花塢上客呼進酒嘉蔬列菓蒟販糖與賣餅混迹何足數三復自敘傳一洗拘儒腐

孝武事窮遠闢土通沫若持節漢使來所過多驚愕四乘達成都除道恣陵轅連雲列前驅利弩明鋒鏑門下獻牛酒停車各酬酢笑指舊酒壚往事誠戲謔

中秋對月

清魄平分分外圓空階獨立對嬋娟香凝鳳腦成千縷拍按霓裳第二絃雲氣遠含銀漢碧水紋寒澌露華鮮夜來儘有婁京夢莫向瓊樓高處傳

題寒塞圖

高城鬱寒色素練起霜風月印飛沙白楓連野燒紅砧聲殘夢裏雁影亂山中莫謾愁邊苦終成衛霍功

春夜

春夜未成寐閒庭獨立時風恬花舞緩雲散月行遲幽意忽不樂芳心將共誰由來當此際無處不相思

新燕

花外歸來帶晚暉雙雙猶自故飛飛薄寒低幕輕

香樹齋詩集

卷一

八

陰裏小語東風蹴一圍

當年畫棟記偏真芳樹含情惜晚春解事喃喃如欲問倚闌不是舊時人

題柳四十韻

河流水解陽和動甲坼膏深霰霏霑向春風偏獨受茂資沃土亦須占化工隱隱初移候幾處青青便壓檐來夢舊袍和汁染入宮新樣關腰纖輕依翠幙陰宜驪斜掠紅樓勢欲沾踈處漁舟停碧渚深時酒肆失青帘凝妝少婦樓頭見遠役勞人馬首瞻官道烏啼花寂寂深閨人去畫厭厭枝催

別席曾翻曲絮落他時似撒鹽濯濯王恭姿可擬  
飄飄張緒態能兼綺牕閑倚陰初密金殿新封色  
更添再入中書題識在重來司馬淚痕漸魯賢號  
邑傳貞白漢將名營見整嚴葉或成書呈瑞識賢  
因先隕比哀髯風裁輕試并刀利煙籠低侵嵇竈  
黔地識青溪誇孝緒春迴栗里憶陶潛武昌堤外  
謳歌遍歸化城邊歲月淹渤海內遷知獨盛匡時  
外謫孰趨炎風歌樊圃含譏刺雅興鳴蜩怨佞悛  
喚急聲藏泥活活飛遲栖共鳥鵲鵲影移薄暮深  
妝閣晴拂游絲繞鏡奩每到垂時思効順更於低

香樹齋詩集

卷一

九

處欲鳴謙纔經驪唱腸先斷少借東風意亦廉杏  
粥村中寒未歇錫簫聲裏氣俱甜陰傳謝女因風  
起鞭起王孫任手拈絲亂情誰裁作錦線長好擬  
織成縑輕陰小展眠初穩驟暖頻開浪更恬野外  
半犁煙淡蕩溪前一抹雨靈靈易添羌笛淒涼怨  
爲近章臺薄倖嫌低拂春星長似帶欹連新月利  
於鎌遠迷俠騎流金彈靜擁書堂鎖玉籤翻巷已  
侵苔徑輾通池還有水花黏熏蘭燈地拖濃暈油  
壁車遲襯薄檐懶試章華閒禁藥愁生隋苑暗珠  
簾眼凝花淚啼多濕眉壓峯痕黛更尖麴動紫塵

纔細細風吹白恰亦襜褕早鶯撼曉能藏影驕馬  
嘶春正脫掛斜擬迴身呈舞袖攀憐別韻動蜚猷  
愁深客舍羈關塞夢到鄉園舊里閭賀老風流誇  
絕調詩成誰復下針砭

偶題

秦時封禪漢齋房燐草豐碑鎖夕陽獨有遺民餘  
校尉見人猶自說興亡  
步虛聲裏斗初迴懺盡塵根得得來聞道連宵聽  
說法講堂誰數茂先才

河豚次悔亭韻

香樹齋詩集

卷一

十

吟成北宋誇雙絕東坡聖俞皆有詩乳號西施繪作鯖已  
遣餘聲長水族每從知味博佳名晚隨細雨吹波  
浪暖帶腥風上市城付與春厨須好手莫依坡老  
說輕生

晚春遊尹兒灣途中口號

緩策城西去春風一徑斜綠深郊外寺紅落雨餘  
花細浪溪頻轉輕帆柳半遮相期有之子遲暮漫  
興嗟

得家嚴見示詩并述眠食一二敬步一首

卅年投轄苦留賓小技文章自有神花向胡僧曾



乞種酒攜社叟便呼隣長貧未厭青氈舊老健難  
禁白髮新風物園林誰管領最憐六十二三人

得舍弟札云于昨歲臘月舉子喜示一首

憐余十載客搖落感悲辛故壘驚風墮新籬入夢

頻麒麟應有種抱送屬何人最憶含飴處溫然一

室春

寒食雜感三首

漠漠春郊暮氣沉每逢此日感微吟風塵未染初  
時服節序偏催故國心桃綴小紅然似火柳含淺  
綠嫩于金新來社燕如相識幾度窺簾送好音

香樹齋詩集

卷一

七

碧天雲影弄輕陰風物多堪入短吟楊柳只知縈  
別恨杜鵑空自托春心縞衣隊裏人如玉油壁車  
中鈿是金細雨西陵歸路晚東風送盡管絃音  
輕陰斜日正沉沉越客孤懷動晚吟陵寢十三孤  
兔跡春光八九燕鶯心魂銷碧燐依芳草夢繞空  
堂鎖鬱金步履歸來隄外路荒原樵牧有餘音

送陸心臣歸吳門三首

菜花黃後河豚上梅子青時野蕨肥天意特教三  
月間故遲風物待君歸

寒食初過春未遲女娘一舸畔動歸思餞籬杏粥村

村是最愛停車小立時

木蘭舟上酒初巡野墅花村泥晚春白紵歌翻紅

袖舞百分船送乍歸人

初夏艤舟葛沽偶步野寺聯句

挂席欲觀海江干鼙鼓愔愔恢台夏日長

蕭寺閉卽此釋塵踪

古佛

霽舉網躍銀刀

水光吞野際遙情靜入禪

不驚

香樹齋詩集

卷一

七

贅煙景幻文章

反反草侵袂夢晴浪初勻

桃源遊

可繫嗟哉俛仰間

羣精隨馳六藝耻爲俗士知

悲澤鷄

沾滯抱甕老漢陰

鉉聚散成歿殪雲氣沉大荒

襟瀉萬頃

有渟洩於道曰已完

陳羣 任剛質先散靈淵處默貞 鉉理窟窮奧詣小  
知徒斤斤 陳羣 迂談何泥泥罔兩啖牟尼 鉉娉娥

羞后羿獨見枉是非 陳羣 盜名劇乖戾與君偕自  
然 鉉忘言得微契澄照悟根夙 陳羣 素交歡砥礪

無將冰柏心 鉉苦逐炎涼勢羣動過眼紛 陳羣 華  
年惜波逝臨眺散羈愁 鉉步履忘倦勤海門遠棹

歸 陳羣 溪口明霞繼隔林五兩招 鉉印泥雙屐蹶  
響亂沸蛙蚓 陳羣 香觸烹鱖鱖樽酒聊共斟 鉉前

津會同濟深淺各有宜因時善厲揭 陳羣  
胡山人指頭墨梅歌

香樹齋詩集 卷一 三

胡生畫梅師元章指頭更比毛錐強濃拖淡抹枝  
欲動須更萬朵浮寒香家近西溪恣磅礴雪後孤

山多色澤心追目運手畫肚夜半東風落晴壑興  
酣寫出江南春千枝萬枝皆傳神不將顏色悅俗

眼要使清氣留乾坤  
午日同人泛舟海神廟因飲于郭氏園亭紀

遊三首

岸濶危樓迥爭傳賽海神癡邪一巫語感動幾村  
人地豈同湘俗民猶與鬼親夾堤芳草路頃刻踏  
爲塵

隣舟雙槳急笑面似相迎幫屐依林淨笙歌帶水  
明名園遲落日葆羽隔重城不覺熏風外閒雲向  
晚生

洽侶忘機者滄洲在目前風高無住鳥潮長有歸  
船人隔煙波裏村深綠樹邊追歡餘興在此會復  
明年

蠓陣聯句

餘酣猶未醒一夢入槐根 盛晉 白墮銷春骨交駒  
引醉魂 裴璉 欲陰看礎潤驟暖覺襟煩 錢陳羣 穴

處知天候羣居荷地恩 晉 微醒聊自慕異族各稱  
尊 陳羣 蠻觸誰強弱君臣計并吞 晉 雄心殊渺渺

壯志亦軒軒 陳羣 野戰豈家國遠謀庇子孫 璉 令  
嚴排錯落仗整絕譁喧 陳羣 更迭分雙翼縱橫開

八門 璉 藏深依古砌用間伏枯骨 已下三十句 轍  
亂沉蛙鼓飲旋浮土樽朽薪驚草木敗羸給壺殮

地利泥初圻天時雨未昏芥舟爭渡北雲勢忽追  
奔蹂躪已云極功勳莫漫論受降輸版隸請救尚

資援列隊如繩直飛馳擬線痕攻瑕先銳利守壁  
重屏藩土壤新封據和親舊媾婚所爭止纖細構

怨失寒暄差爾於區宇如沙著溟鯢浮生托造物

一粟見崑崙致死多緣欲忘亡孰與存由來秦漢  
代戰哭有乾坤

秋村六首

築塲

黃雲覆邱壠禾稼初登塲及茲晴色佳一理逕外  
荒磧確務盡去鏡面起中央由來西成候未弛東  
作忙明當駕碌礪勿使牛力傷

編籬

門戶有鎖鑰村落資藩籬涼露摧葭苗晴課編茅  
茨周遭見縱橫鹿眠多參差踈愛叢菊補短任檐

香樹齋詩集

卷一

十五

陰垂晚圃利灌溉別逕聊通池

割菜

平生慕淡泊嘉蔬情頗耐連畦藝已豐灌溉功亦  
倍霜芽一鋤熟肥脆迎刀碎物生以類揜雜處豈  
惟菜所以杜陵老興刺苦芭輩

打豆

北地田苦潦麥收還種豆力勤歲兩熟不在禾黍  
後株株抱日乾粒粒迎風瘦如走大小珠迸落勢  
頗驟安得半菽飽永言終吾壽

除架

得魚自忘筍蔓落已除架斷壺垂其上冷蛩怨其  
平物蒙難自立援引感資藉束置且勿用陳材未  
盈把明年濃陰時復此消長夏

授衣

村女無遠志自浣架上衣溪外逢少婦但見雙淚  
揮問婦何所思夢傍邊城飛陰山八月雪漢將方  
合圍何因寄刀尺夫婿猶未歸

題採藥圖

濕翠沾衣細雨催空山事事盡幽哉世人未解用  
無用君意欲居才不才果熟秋林和露摘藥分仙

香樹齋詩集

卷一

十六

種倚雲栽他年我亦隨行脚許共長鑣托命來

晚秋溪圃野眺聯句

結廬遠喧甲隱跡歲將紀高睇邈俗情

錢陳羣野

卧愜幽旨雖無負郭田

冬鉞

亦有臨門水漁唱晴

更多陳羣砧聲冷逾起隣浣憶吾衣

鉞

網鮮供客

七帆影暗庭樹

陳羣

波光動牕紙籬菊鑄新黃

鉞

坡蓼綴餘紫鴻陣迴圓沙

陳羣

燕泥虛故壘蒹葭

懷遠人鉞遲暮感彼美力穡勤蓋藏

陳羣

爲園藉

栖止妻孥貧不厭鉞比閭治可以穀升維書琴

陳

羣寶至飭簞簋瓦釜烹鷄蘇

鉞

形鹽下馬齒嘲鴨



習能言陳羣狎鷗盟可指侶我素心交鉉玩茲聞

居理雲霽淨空碧陳羣霜明湛沉洋澄泓堪鑒容

鉉幽貞足考履薙草逕步寬陳羣決渠畦脉駛芋

落葉填巷鉉瓜斷蔓垂庫慣勤常運甕陳羣荒業

倦書柿敢偷四體勤鉉終切三農倚糟牀需新秬

陳羣竹篋隱敗綺報歲迎村巫鉉薦新肅家祀餉

兒豐梨棗陳羣媚婦貸簪耳免俗誠未能鉉浮生

聊復爾迤邐越陌阡陳羣徘徊傍荆杞萋萋蒿里

琴鉉漠漠潢汙坻鷹疾奮攫拏陳羣豕涉亂清泚

青蟲寒不吟鉉短蛇枯欲死物情多脆促陳羣天

香樹齋詩集

卷一

七

道任成毀憑弔曰來歸鉉緬囑一遙跂門臨官道

傍陳羣樓隱孤村裏隔岸閃金戈鉉鳴礮驟鞭弭

小隊列郊坰陳羣元戎鎮邊鄙卽今講武臺鉉自

昔屠狗市霜電耀繽紛陳羣旌旌光旖旎承平戰

不忘鉉專座恩獨恃紅顏歌舞人陳羣白眼豪俠

士胸中藏甲兵鉉腕底蘊經史贈答慕回路陳羣

歡愛欽蘇李高咏澈哀商鉉微音中清徵企道絕

浮陳羣潛光安衆耻超然禽向儔鉉庶乎莊惠

似卻妄夢無營陳羣視內身可委精爽與天游鉉

動息爲化使中情懷粉榆陳羣變性豈橘枳泉石

痼已深鉉踈懶病方始杜老憶同谷陳羣庚桑僑  
畏壘勿令猿鶴嗤鉉終遂漁樵喜富貴苟非道一  
笑遺敝屣陳羣

馮明府卯君官關中三年矣昨遣製廟二種

云自朔方郡所得來札况示頗及軍中情狀

知小醜將授首矣喜而有作

故人官秦曲陽裔秋來遺我雙織成一如素練卷

霜雪輒皴白驪駝毛輕其一鴉青奪羽色從縹返

窺中微頰可憐尺素來千里開絨析析風沙鳥書

中未言相思字但訴煩劇心怛怛昨年匹馬入關

香樹齋詩集

卷一

七

去正值大軍事西征案前簿領方撥遣郵卒馳報

來官兵羽隨一鴈度寒塞雲逐萬馬臨長城曾水

踏蹴汗駝背石路流水聞鞦韆一行作吏但負弩

垢面急出郊坰迎憶昔小醜初肆虐六龍時御

天子行鼎魚穴蟻苦奔竄血路頃刻窮孤麀御枚

夜發西京道獲醜未及熟晨羹邊民豈識神武事

但覺不廢春時耕渠魁已殄衆悉遣碑版封識魴

與鯨白楊黃蒿暗古道陰風颯颯飛颺颺卽今餘

孽亦易與奈何歷歲猶未平聞說伊吾老酋長突

騎助順葵欲傾况復老將簡克國出師煌煌頗有

名朔風夜吹寶刀凍天山月落星斗橫輪臺城頭  
雪三丈都護鐵衣如雪明由來此物稱獸合未可  
深入當其嬰時議屯田就水草散布要害聯行營  
右稱邊將在久任擇良撫字侔父兄我聞其言心  
欽動拔劍起舞聲錚錚君門尺五萬里隔何由  
一請中軍纓故人憐我貧無賴殷勤遠送惠書云  
我有短褐縫大布日高睡足形神清安得凌雲速  
斬送九重闔闔陳韶諫太平無事日歌詠長官  
勤職安民氓

和吳丈滇南留別原韻

香樹齋詩集

卷一

九

愛讀南華秋水篇相攜常伴枕函邊黃鷄白酒能  
留客細雨斜風好放船待訪蘋洲尋舊約重辜芳  
草是何年樽前欲別柴桑老招隱書成一惘然

東溟山人乞酒圖

黃鷄啼黍翻酒旗鬢髮十五當爐姬糟牀滿注盛  
鴨夷引花欲潑香風吹門迎淥水臨官渡里中俠  
客通朝暮一盞新羅一笑斟寶釵金丸落無數東  
溟山人何老醜持瓢倔強來乞酒頭蓬面垢眼光  
碧膽氣已能吞數斗藍橋之下瀨水邊英雄失路  
多可憐有酒在手且盡醉須臾暮景浮蒼煙回頭

但見山色青溪流曲曲如有情拍手大笑歌一曲  
響入空天振林木一瓢乞得吾何耻但得有求盡  
如此一日一醉吾老矣

哭婦翁俞檀溪先生用少陵哀汝陽韻

昨者歲在午哭我閨中人東風吹白骨細草生三  
春雙眼淚欲枯奈何悲更頻星躔移大野漢廷失  
詞臣疾疢需藥物飲助倚交親醫窮扁俞術命殞  
風雪晨昔憶抱經藝獻書謁清塵承恩冠多士行  
役肅駢馳漢中及巴蜀踰跨唯一身珥筆趨殿陛  
柔翰何麟麟而我屬秦聲陪歡追蹄輪問奇探鉛  
香樹齋詩集

卷一

三

槩義類日以新忘憂嗜麴蘖邈俗遺金銀箴規論  
密勿稽首曾拜陳召見賜顏色嘉納荷  
皇仁鳴臯有振羽廣川無沉鱗十載冰雪捺夙夜  
懷憂勤一朝委榛莽到門感朋賓遺容想總帳殘  
書襍芳茵翻讀絕筆文涕淚揮衣巾靈幃照短燭  
明滅無精神夜哭枚少妻悲慟驚四隣啼號小兒  
女似解父子倫仁政先惇獨皇皇感通津匍匐敦  
古處由來存縉紳愧無黃門諫詩成餘悲辛

木威次韻

殷勤撥動小紅籤顆顆珠琲綠玉纖包匭寧辭南